

« نورك يوردى » كىمە، صايبىدە اورمىنى يىدە
كېرەمەت، مدنى پىنن آيۇنە رىمىزك كېلىمەردە
قىدەلەرنى بىكىلمەلەرى رەجا اولغۇر .

نورك يوردى

تائىرى : نورك يوردى

مدىرى : آق چۈرە اوغلى يوسف

۳ ئىتىراپ اول ۱۳۲۹

صايبى ۲

۳

بر انسان بئاغنه نصل کیردک ؟
 سنک ظلم اوجاغنده نه ایشک وار ؟
 بوخرسز یتاغنه نصل کیردک ؟..
 آه سویله ! بوسرایه ، بو برزخه ؟..
 نیچون کیردک ؟ جلادلر طوتمادیمی ؟
 بو قویویه ، بو قیره ، بودوزخه
 نصل کیردک ؟ سنی یر یوتمادیمی ؟

ییتمدی

عبدالمحب مامر



اللهک نوری

۲

اوغلم آیته

بوکون امله روحده اشقلرینی یاقشیدی. قورشونی برنور پرده سنک رنکین
 وفسونکار آناتی ایله دکزلر وافقلر ، کوچک مسعود یلکنلر ، قرمزی
 ساکت داملر آراسنده کوکله قونوشان یموشاق رنکسز مناره لر هر وقتدن داها
 دوست ، داها سوکیلی و آشنا ایدیلر . هیچ بر حادثیه استناد ایتمه یین بر سعادت
 ذهنده وروحده حیاتک تا کندیسندن کتیردیکی بر آیدنلق یامیشدی . بردنبره
 تناسخ کچیرن اللهک کوچک بر بوجکنه قارشى دویاجغم حیرتی ، مراقی کندى
 روحده دويدم وتا بئلکمک کوزلرینه باقارق نه در ؟ نه اولیورسک ؟ دیدم .
 بر شی یوقدی !

انسانلرک ابدی عجزی ، سفالتی ایله دولو اولان روحده ، هیچ واحه سی
 اولمایان وابدیاً یالانجی برسر اب ارقه سنده قوشدیران حیاتک قورو وایصسز چولنده

ربك سسنى ايشتمش كې ايدم. وَاووقت اللهك نورى قلمده خارق العاده برشى
يراتدى، روحده كى بو صمدانى سسى انسانلره دويورمق ايستدم، فقط المده
هيچ بر واسطه يوق كه!

بوني الفبانك اوتوز ايكي حرفى ناصل ياپار، بوني جانسز وچيركېن
بويالر ناصل ياپار؛ فقط بردنبره دنياك اك الهى، اك بويوك موسيقى استادى
اولق ايچين دوغوبده نشيده لرئى ترنم ايتك ايچين ديلسز والنده سازسز قالدېنى
ايك دفعه برييلدېرم ضياسى ايچنده كورن، يولنى اميدسز صورتده غائب ايتمش
سرسرى بر موسيقى شناس روحنك عذابى دويدم. الفباده، جمله ده ويازيدم
يرى اولمايان بو صمدانى سس و ايشنى بردفعه روحده دويدقن سوكر ديلسز
وسسز اولسهم بيله اونى بندن داها قوتلى، كنج وابدى بر قوته براقوب
كيدم جكدم. بوالهى ترانهك ونورك اسمسز وجديله كوزلرى قورشونى دكزك،
اسرارلى افكك قارشيسنده يناقلردن ياشلر آقان آنهكك ديلسز ترانهسى،
سن، سو كىلى اللهك نورى، سن انسانلره ويرم جكميسك سويله!

كوزلريكك اسمر ضياسيله اونورى ايجه جك، يموشاق، اسمر وتميز اللركله،
انسانلرك زواللېنى قارشيسنده روحك عاجز، صموت وبويوك حزتى ورن محزون
دوداقلريكك سو كىلى اهترازيله بوسى انسانلره ايشتدېرم جكسك.

اللهك نورى! بنم كناهكار وعاجز دوداقلرمده قيصيلان، چيركلنه شن،
بوغولان بو صمدانى سس، بنم هر وقت يوكسك شيلر آرقه سندن اوزاندينى
حاله دائما آچاقلرده قالان الملك قدرتسز قلمنده بياغىلاشان، بره دوشن بو
حيات شعرينى، سن اللهك سو كىلى نورى، ييلديزلرك ابدى حزمه لرى كې
انسانلرك روحنده ايدنلات، شفقلك مظفر ترانه لرى كې. انسانلرى الهى بر
طراوتله، ظفرله، حظه ييقا!

اللهك نورى! بونلروداها بر جوق شيلر ايچين روحده كى سسى ديكركن،
سنكله الاله بعضاً سوقاغه باقديغمز كوشه نجره سنك اوكنده بر آراهه دوردى.
ايچنده قوتلى، بر حيات، كنج براراك، ياننده يوزى وحياتى نوره وهوايه
قالين سياه اورتولرله اورتولمش واورتولرينك التده قورقاق وارلنى ايچين رضيه وېرن

تترک برالله یاوروسنی صاقلامش ضعیف برقادین، اوج یاشنده ده برارکک چوجق
واردی. آراهه دورونجه قادین چوجنی ایله متردد و عجمی حرکتلره ایندی؛ حاکم
برال، مینی مینی سوکیلی چاشرلر اولان برپاکتی، ایکی الی ده مشغول اولان سیاه و قبالی
اسیره اوزاتدی؛ سوکرا او چوجنی طوتان اللرندن باشقه بو حاکمک اوزاتدینی
پاکتی آماق ایچین برال یراتمه چالشیرکن، ارکک چوجنی ده اشاغیده اوجنجی
برال بولمق ایچین قیورانان سیاه کولکه یه اوزاتدی؛ سوکرا کندی کوشلی
باستونیه، قیرمزی برحیات قفاسیله ایندی، یورودی؛ کوشه باشنده چوجغیه
مشغول اللرندن دوشن سوکیلی کوچک چاشیرلری آلماسی ایچون ارکک چوجغه
تضرعکار، ازیک سسیله یالواران سیاه اسیره، ارکک، غضوب و یقیجی طوریه
باقدی، ارکک چوجفک آتدن طوتدی، یورودی. بو ارکک چوجق، مستقبل
برارککدی، او سیاه اورتولی، عاجز اسیرلره یاردیم ایده مزدی.
یوقوشدن او کوش باستونیه، یاننده کندی روحنی تکرار ایتدیرمک
ایسته دیکی کوچک فسلی شیه و آرقه سنده یورودیکی، سوروندیکی و یشادینی
ایچین وضعیه عفو دیله یین سیاهلی، قبالی اسیریه کیدرکن، سنک ترنم ایده جکک
معظم نشیده نک بران ایچین مقصدینی و کوزلکینی سزدم، سوکیلی اوغلم! برابر
سوقاغه باقدیغمز کوشه پنجره سنک جانلی لوحه سی حیاتکک بوتون فعالیتلرنده
باشقه سیالره سویله یین برنشیده، برفریاد اولسون، اللهک نوری! زنه ار بو اوگده
کیدن مخلوقک عادی قوتی ایله سویله مه، زنه ار آنالرینه برر ظالم اولاجق،
وانالرینی سومکی، حرمت ایتمه کی بیلمه دکلری ایچین آنا طور اقلرینی ده
حیوان بنلکلی ایچین تلویث ایده جک کوچک ارکک چوجقلرک روحیه ترنم
ایتمه! خایر، اورتوسی، زنجیری واسارتی آتنده استقبالی، نورمی بکله یین، قورقاق
زواللی اللرنده چوجنی و وارلنی ایچین عفو دیلرکی کیدن بوسیاه کولکه آغزندن
سویله! بوگولکه، بو اسیر کیمدر، بیله یورمیسک سوکیلی اوغلم؟ بو اوغلنک
و اوغلنک باباسنک اسیری اولان برآننه!

بوکون بویله وقتندن قاچ نسل اول کلش روحده کی اللهک ایشنی و سسی بوسیاه
اسیر آننه ایچین در، سوکیلی اوغلم! کوزلرمدن، اللرمدن و روحدن آلاجفک

نورله اولرک حیاتلرینک ، وجودلرینک ، محبسلرینک قراکلق اشکنجه لرین
آیدنلار ، واحه سزچولده حایقیران بوالسهی سله اولری نوره چاغری و بوس
اوته کیلرک ، ظالم لک روحنده کی ظلمی ، خودبینلکی ، چیرکینلکی بر ییلدیریم
آتشی ایله یاقسون ، بو خطاب ایله اولری صوصدرسون!

خالده ادیب



براق بنی حایقیرایم

بن اُک حقیقیر بر انسانی قارداش طویان بر روحم ؛
بنده اُسیر یاراتمایان بر تاگری به ایمان وار ؛
پاچاورالر آلتنده کی سفیل بنی یارالار ؛

مظلوم لک انتقامی اولق ایچون طوغشم .
وولقان سوزر ؛ لکن بنم آلورم اُکیلمز .
بورا دینر ؛ لکن بنم کوپوکلرم کیلمز .

براق بنی حایقیرایم ، صوصارسام سن ماتم ایت !
اونوتما که شاعرلری حایقیرمایان بر ملت
سونلری طوپراق اولمش اوکسوز چوجوق کیدر :

زمان اوگا قان داملایان دیشلرینگی گوسته در .
بو زواللی سورو ایچون نه مرحمت ، نه حقوق !
یالگیز بر سرت باقیشلی گوز ، یالگیز آغیر بر یومروق

محمد امین